



Allakkiag Notat

Brevdato: 20-02-2023
Sagsnr. 2021 – 19742
Akt id. 22589842

Taarsigassarsititsisarfinnut ingerlatsivinnullu aningaasaliisartunut nakkutilliinissat pillugit piumasaqaatit pillugit inatsisip allangortinneqarnera pillugu siunnersuut (Taarsigassarsititsisarfinnut ingerlatsivinnullu aningaasaliisartunut nakkutilliinissat pillugit piumasaqaatinut peqqussummut allannguutissatut peqqussutit ilaasa Kalaallit Nunaannut atuutilersinneqarnerat pilugu (EU) peqqussummut nr. 575/2013) kiisalu aningaasalersuisarnermik ingerlataqarneq pillugu inatsimmi aalajangersakkanik assigiinngitsuni aalajangersakkanik allannguinerit Kalaallit Nunaannut atuutilersinneqarnerat pillugu peqqussummut ilaalernissamut siunnersuut kiisalu aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu inatsisip allangortinneqarneranut inatsisit assigiinngitsut aamma aningaasaqarnermi patajaassuseq pillugu inatsisip atorunnaarsinneqarnera pillugu inatsisip Kalaallit Nunaannut atuutilersinneqarnerat pillugit peqqussummut Namminersorlutik Oqartussat ilanngunnissaat pillugu Inatsisartunut aalajangiiffigisassatut siunnersuut pillugu tusarniaanermut allakkiag

1. Aallaqqaasiut

Taarsigassarsititsisarfinnut ingerlatsivinnullu aningaasaliisartunut nakkutilliinissat pillugit piumasaqaatit pillugit inatsisip allangortinneqarnera pillugu siunnersuut (Taarsigassarsititsisarfinnut ingerlatsivinnullu aningaasaliisartunut nakkutilliinissat pillugit piumasaqaatinut peqqussummut allannguutissatut peqqussutit ilaasa Kalaallit Nunaannut atuutilersinneqarnerat pilugu (EU) peqqussummut nr. 575/2013) Kalaallit Nunaanni Danmarkimilu kiisalu EU-mi aningaasalersuisarnermut inatsisit assigiit atuunnerannik qulakkeerinissaq siunnersuummi siunertarineqarpoq. Inatsisip allangortinneqarneratigit taarsigassarsititsisarfiit patajaassusaat annertusarneqarlunilu aningaasaqarnerup patajaatsuunera annertusarneqarpoq, kiisalu malittarisassat taarsigassarsititsisarnermut, siuariatornermut suliffeqarnermullu malittarisassanik ikorfartuisuupput.

Aningaasalersuisarnermik ingerlataqarneq pillugu inatsimmi aalajangersakkanik assigiinngitsuni aalajangersakkanik allangortinneqarnerat pillugu kunngip peqqussutissaanut missingiummi aningaasalersuisarnermik ingerlataqarneq pillugu inatsisit nutarnernissaat siunertaavoq. Allannguutit peqqussummut ilanngunneqartut Kalaallit Nunaanni aningaasalersuisarnermik ingerlataqarneq pillugu inatsisitut sukkulluunniit atuutissapput.

Aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu inatsisip allangortinneqarneranut inatsisit assigiinngitsut aamma aningaasaqarnermi patajaassuseq pillugu inatsisip atorunnaarsinneqarnera pillugu inatsisip Kalaallit Nunaannut atuutilersinneqarnerat pillugit peqqussummi missingiutip

atulersinnissaanut siunnersuummut ilusilersueqqittarneq aningaasalersuisarnermillu suliffiit ilaasa atorunnaarsinneqartarnerat pillugu inatsisinik nutarterinissaq siunertaavoq, tassani malittarisassat BRRD II-mik peqqussutip qallunaat inatsisisaanni atulersinneqarsimasut ilanngullugit.

Tusarniaanermut akissutit ilanngunneqanngillat.

2. Tusarniaanermut akissutinut oqaatigisassat

Nunanut allanut, Inuussutissarsiornermut Niuernermullu Naalackersuisoqarfimmit tusarniaanermut akissummik tigusaqartoqarpoq.

BankNordik, SISA Pension, Kommune Kujalleq, GrønlandsBANKEN aamma Sulisitsisut tamarmik oqaatigisassaqaarnatik nalunaarutigaat.

Nunanut allanut, Inuussutissarsiornermut Niuernermullu Naalackersuisoqarfiup CRR-II inatsisissatut siunnersuutip malitsigisaanik taarsigassarsisitsisarfinnut nalunaarusiornissamut piumasaqaatit annertusinissaat oqaatigaa. Tamannali Naalackersuisoqarfiup naapertuuttutut isigaa, inussutissarsiuutigalugulu ingerlataqartut piumasaqaatinik nutaanik passusinissamik siunniussisimasut isumaqarlutik.

Naalackersuisoqarfiup naggasiullugu Kalaallit Nunaanni aningaasalersuisarnermik ingerlatsiviit nunani EU-mi ilaasortanut inatsisitigut assersuunneqarsinnaasunik toqqammavissaqalerpata aningaasassarsinissaat ajornannginnerulissaasoq pitsaasuutippaa.

Inassuteqaat

Inatsisissatut siunnersuut allanngortinneqassanngitsoq inassutigineqarpoq.

3. Ullut atuutilerfissat

Missingiummut peqqussutissatullu missingiutinut marlunnut piffissami tusarniaanerup nalaani inatsisissatut siunnersuutit atulerfissaat allassimangilaq. Inatsisissatut siunnersuut peqqussutissallu marluk ulloq 1. juni 2023-mi atuutilernissaat siunertaavoq. Suliat ingerlanneqarnissaat eqqarsaatigalugu ulloq atuutilerfissaq 1. juli 2023-mi pissasoq aalajangerneqarpoq.